



**Eminentissimi Ac Reverendissimi Domini, D. Joannis  
Baptistæ, Cardinalis De Luca, Theatrum Veritatis Et  
Justitiæ, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in  
quibus in Urbe Advocatus, pro una partium scripsit, vel Consultus  
respondit ; Cum Indicibus Argumentorum, Causarum ac Rerum  
luculentissimis. Opus Tam Judicibus, Quam Causarum Patronis, atque  
omnibus in utroque Foro ...

Tractatus Primi Pars I. de Usuris, & interesse, Pars II. de Cambiis, Pars III.  
de Censibus, Pars IV. de Societatibus Officiorum

**Luca, Giovanni Battista de  
Coloniae Agrippinae, 1691**

Disc. XXIX. Marsicana Legati. An & quano pro legato quantitatis debeantur  
per hæredem morosum usuræ seu accessiones, præsertim ubi agitur de  
legato ad favorem Ecclesiæ vel piæ causæ, Et quando in his ...

---

[urn:nbn:de:hbz:466:1-74112](https://nbn-resolving.de/urn:nbn:de:hbz:466:1-74112)

bono inter suas des. 38. & 81. sed si alius hæreditarius parentis consistat in bonis fructiferis, ad quorum scissuram evitandam, filio non contradicent relinquatur legitima in quantitate, pro ita donec solvatur, debentur etiam, citra usuram, accessiones, seu fructus tanquam recompensativi, cum ita occultari dicatur implicitus contractus emptionis & venditionis, dictaque quantitas dicatur pretium ipsorum bonorum, & consequenter intrat ratio suæ aquitas dicti textus in l. curabit, ut tanquam absolutum admittitur apud Ottob. dictis decis. 38. & 81. & in specie advertitur per Leotar. quest. 18. numer. 19. & seqq. Starban. de interesse lib. 2. cit. 2. quest. unicus. Rot. dec. 186. post Pacif. & sapient. cum sit distinctione hodie in foro plana, & habetur sub tit. de fœnd. dict. 108.

Intratribus autem terminis d.l. curabit, caderet solùm difficultas, an taxa conventionalis adæquata est fructibus ipsorum bonorum, quos ut lèpè in precedentibus, excedere non potest, non constito de alio interesse exrinseco lucri cessantis, vel damni emergentis; Verùm observabam istam difficultatem cadere in contractu emptionis, & venditionis, in quo agitur de totius rei prelio, secus autem in contractu transactionis, in quo incertum est pro qua bonorum parte quantitatis convenia sit, cum bona partim dimittantur, & partim ut iupia inæquipollenti obtineantur, & consequenter ille major fructus esse potest pars pretii, quodque hoc intuitu minus datum, vel promissum sit de forte principali.

\*\*\*\*\*  
MARSICANA  
LEGATI,  
PRO  
THOMASETTIS,  
CVM  
PP. CONGREGATIONIS  
SCHOLARUM PIARUM.  
*Casus disputatus coram Arbitris.*

An & quando pro legato quantitatis debeantur per hæredem morosum usuræ seu accessiones, præsertim ubi agitur de legato ad favorem Ecclesie vel pia causa, Et quando in his legatis intret ratio interesse lucri cessantis, vel damni emergentis.

SUMMARIUM.

1. Facti series.
2. Usuræ legatorum statute de jure civili sunt hodie correctæ de jure canonico.
3. De mora irregulari favore Ecclesie, vel pia causa, Et quod etiam favore pia causa non debeantur usuræ pro legato quantitatis.
4. Quando heres investit pecuniam legatum in occasione fructiferas, tunc fructus debentur legatario.
5. Contrarium dicitur verius.
6. In materia usuraria attenditur interesse creditoris non autem debitoris.
7. De ratione ob quam verius creditur id quod habetur num. 5.

8. Acquisitiones factæ per hæredem gravatum de pecunia hæreditaria, cui acquirantur.
9. Quid de tute erogante pecuniam pupillarem in mercimonia & negotiationes.
10. De herede gravato negotiente pecuniam hæreditariam, an faciat suum lucrum.
11. De autoritate Gratiani, quando ei deferendum sit.
12. Declaratur conclusio, de quanum. 4.
13. Doctores sunt intelligendi iuxta doctrinas quae alegant.
14. Quando pro legato quantitatis currant usuræ vel fructus favore Ecclesie, vel pia causa.

DISC. XXIX.

**N** Thomasettus, scriptis hæribus ejus ex fratre nepotibus, illos gravavit ad solvenda scuta io. m. retrahenda ex quibusdam nominibus debitorum & fructibus locorum montium pro constructione Conventus PP. Congregationis Scholarum piarum, alios Religiosos vocando, quatenus isti PP. nolent, vel non possent dictum Conventum fundare; Cumque inter dictos & alios Religiosos subfidiariæ vocatos, lites & controversiae plurium annorum spatio habitæ essent, hæredes autem, vel ipsosmet fructus vel nomina debitorum exacta, & per testatorum ad id destinata investiunt in loca montium Uribis, vel pecunias ita exactas in alios usus convertendo, assignassent tot eorum loca montium, ex quorum retractu, quando ad foundationem deveniendum esset, dicta quantitas propria haberetur, post dictam item finitam ad favorem dictæ Congregationis, solutumque legatum in forte principali cum dictorum locorum montium pretio, prætendere cœperunt dicti PP. fructus temporis intermedii, aliasque prætentiones excitarunt, illam præsertim domus, in qua testator destinaverat dicti Conventus constructionem, quamvis illa in aliquo loco sequuta esset, & de qua habetur actum in eadem Marsicana legati sub tit. de legatis; Dictisque differentiis in duos Prelatos compromissis, in disputationibus coram eis habitiis.

Scribentes pro dictis PP. auctoribus, procedendo cum opinionibus in Romana Curia receptissimis, ut scilicet hodie correcta per jus canonicum dispositione juris civilis roti titulo Cod. de usuris legatorum, pro legato quantitatis, nulli fructus, nullaque accessiones ratione solius moræ regularis, vel irregularis debeantur, nisi concurrent alia requisita legitimè justificata interesse lucri cessantis, vel damni emergentis, ut de prædicta juris civilis correctione, carteris allegatis advertitur per Leotar. de usuris quest. 18. numer. 1. & seqq. & per alios, de quibus infra, etiam ageretur de legato ad favorem Ecclesie vel causa pia, non obstante dispositione text. in l. Sancimus Cod. de Episcop. & clericis contenta solùm in Codicibus modernis, sive Ecclesiæ, ac pia causa & privilegio deducto ad instar minoris vel pupilli, ex iis quæ plenè habentur apud Rovit. decis. 90. & Leotar. quest. 82. numer. 4. cum seqq. cum id procedat in ordine ad moram irregularis absque interpolatione per hæredem contrahenda, quæ tamen sola juxta opinionem, quam firmiter tenemus in Rota & Curia, non sufficit, nisi alia requisita lucri cessantis, vel damni emergentis concurrant, etiam respectu minorum vel pupillorum, cum usuræ pupillares à jure civili decreta per jus canonicum quoque correctæ sint ex deductis per

25075

*etundem Leotar. quæst. 74. & 75.* Unde propterea quicquid in coruariis in his materiis teneant Regnicola, & alii sola mora contenti, non desiderantes extrinsecam, ac specialem justificationem aliorum requisitorum positorum per *Castr. int. 3. ff. de eo, quod certo loco, admitebant regulam negativam, agnoscendo in hac parte veritatem.*

Constitutebant tamen fundatum in limitatione tradita per *Gratian. discept. 688. num. 22.* ut scilicet id non procedat, quando pecunia legatario praestanda, per hæredem investita fuerit in loca montium, vel ad alios effectus fructiferos, ut tunc, cum hæres agat de lucro captando, magis quam de damno vitando, contrarium dicendum sit, quod etiam adverterit *Mariana Junior respons. 20. num. 28. par. 1.* quæ doctrina tanquam speciales, juxta currentem usum, magnam impressionem faciebant.

Histamen non obstantibus mihi, etiam in sensu veritatis, in hac facti specie, ob ejus circumstantias, contrarium verius videbatur, dum, nec expresa, neque tacita voluntas testatoris, minusque natura legati exigebant investitum, sed potius excludebant, quoniam hujusmodi pecunia convertenda erat in fabricam Conventus, & sic indies manuallerit, & numeratio eroganda in operarios & cœmenta, ideoque nil intererat, legatarii pecuniam investiri. Atque in materia usuraria, verum, recuperumque principium est, spectandum esse interesse creditoris, non autem debitoris, ex deductis per *Leotar. quæst. 32. num. fin. & quæst. 96. num. 1. cum sequent. & alibi Novogrol. alleg. 22.* ac habetur pluries in aliis hoc codemini; Non enim ex eo, quod debitor morosus aliquam utilitatem ex pecunia solvenda reportaverit, resultat, quod d creditor, non concurrens titulus usuratum, seu accessionum justificativo, istas assequi valeat.

Alia etiam magis convincenti ratione ponderata, quod legatarius, non obstante dicto investimento, istoquo reculato, quoties cessat testatoris præceptum, quandocumque petere potest quantitatem in pecunia, atque dicere hæredi, quod non debebat investire, eidem hæredi referendo quodcumque investimenti damnum vel periculum. Quod duplicitate etiam in locis Montium contingere potest. Vel quandoque circa notabilem diminutionem etiam valoris intrinseci, ob accidentia, quæ ipsius montis dotem destruerint, vel diminuerint, ut actu experimur in pluribus montibus, qui empi & erecti ad rationem scutorum 100. pro qualibet loco, hodie vix valent 20. vel 30. Vel juxta frequentiorem, ac ferè quotidiam contingentiam, circa diminutionem valoris extrinseci relvantem ab extractionibus, dum emi solent ad rationem scut. 100. ac etiam 115. circiter, atque in casu extractionum empor cogitur accipere valorem intrinsecum scut. 100. Ideoque si legatarius hujusmodi periculis, & diminutionibus non subjaceret, nullumque haberet dominium rerum, in quas hæres proprio periculo, proprio nomine pecunias erogavit, nulla subesse videtur ratio, cur frumentum commodum obtinere debeat.

Ad quod ponderabam in simili ea, quæ habemus in hærede gravato investiente in stabilia, vel alios effectus nomine proprio, seu erogante in negotiationes & mercimonia pecuniam in hereditate repertam, sive ab exactione nominum debitorum obvenient, quoniam si adeat præceptum & testatoris de investiendo, tunc investitum acquiritur hæreditati, seu fideicommisso, secus autem econtra, ex dicta dupli ratione superioris confide-

*Card. de Luca de Usur. & Interess.*

rata; Una, quod fideicommissarius in uno casu potest, & in altero non potest recusare investitum, quoties non omnino culposè detegatur malefactum; Et altera, quod dominium, ac successivè periculum, in uno casu est ipsius hæredis, & in altero est hæreditatis, ut ita distinguendo habetur apud *Peregrin. de fideic. art. 44. num. 28.* *Buratt. decis. 784. Rot. decif. 38. & 70. p. 9. rec.* cum aliis laeti in *Cathacen. hæreditatis coram Cerro, decis. 308. na. 3. & seqq. par. 11. rec.* & frequenter, cum hodie videatur distinctione plana & recepta.

Idemque in tñore vel alio administratore ergante sub proprio nomine, absque testatoris voluntate pecuniam pupillarem negotiationibus, quoniam pupillus prætendere quidem potest à tñore damage & interesse, ob non factum investitum in bona stabilia, vel alias tutas occasionses fructiferas, ut de jure tutor tenetur, ex deductis per *Leotar. de usuris. quæst. 20. num. 8. cum seqq.* & de quocumque administratore, *quæst. 33. 74. & 82. num. 30.* *Rota in Romana pecuniaria, 18. Ianuarii 1636. coram Panzirolo,* ac in parte legitimo administratore pecuniarum filii, insinuat *Rota in Romana pecuniaria, 15. Iunii, 1665. coram Albergato;* Atque si damnum ex negotiatione resultat, illud ipsi testatoris referre potest, sed iustum non est, quod si casus præbeat aliquod lucrum, illud obtinere debeat contra regulam, *secundum naturam, &c.* licet non desinet volentes, ut ista claudicatio admittenda sit in odium & pœnam tutoris, ita malè agentis, ex collectis in materia per *Sperell. decis. 90.* *Hodieru. controv. 22.* apud quos ceteri; Sed quicquid sit in isto casu ob istam peculiarem rationem punitionis delicti, quoties istud cessat, dicta ratio resultans ex præfata regula, *secundum naturam, &c.* de plano procedit.

Ac etiam habemus in hærede gravato erogante pecuniam in merces, & negotiaciones, quoniam si id agit ex præcepto testatoris, lucrum erit hæreditatis & fideicommissi, quia ejusdem esset quoque damnum & letura, sed si id agit ex propria electione, suum debet esse lucrum, quoniam suum fuisse damnum, ut plenè apud *Coccin. decis. 409. in Bononiens. pecuniaria, 2. Martii, 1661. coram Albergate, impress. apud Rodriqu. de concur. cred. decis. 25.* & in *Bononiens. separationis bonorum, 25. Maii, 1668. coram Calatajud.* & habetur actum in eadem causa sub iis. de fideicommissis, pro creditoribus Domini, cum similibus.

Ad dictam autem doctrinam *Gratian. discept. 688. num. 22.* neglecta distinctione, quam plures senioriæ doctissimi Romanæ Curæ Jurisconsulti, qui istum auctorem agnoverunt, & practicarunt, dare solebant inter tres primas partes, ac reliquas duas posteriores suarum discepcionum, ut in primis essent magna auctoritatis, cum solùm continent collectiones, felici benèque ordinato stylo sequitas positionum Rotæ, Cameræ, vel Signaturæ, cum solo sensu veritatis, & in causis disputatis per plures doctos, ac primarios Advocatos hinc inde scribentes; secus autem in ultimis, in quibus auctorita cognitus, marte suo scribebat ad causas particulares, cum (ut illi communī ore referebant) sicuti felix fuit in colligendo & ordinando alienos labores, ita in iis, quæ erant ingenii proprii partus conversi infelix. Et quam distinctionem ipsa letura, seu comparatio benè comprobare videtur.

Dicebam, auctorem præsumum in hoc inniti au-  
toritati *Paul. de Castr. conf. 125. lib. 1.* ideoque ad hujus auctoritatis limites eum intelligendum esse ex propositione, quod Doctores intelligendi

<sup>13</sup> sunt juxta auctoritates, quas allegant juxta theoricam Bart. in l. non solum, s. liberationis, ff. de liberat. legata, latè Mandatis. cons. 1. num. 2. Lotter. lib. 2. qu. 8. num. 44. Rota decis. 474. num. 9. par. 2. rec. dec. 155. num. 56. par. 6. & frequenter; Castrensis autem bene loquitur de casu, in quo, ita praepiente testatore, pecunia ad nomen ad commodum vel incommodum legatarii investita erat, quia tunc periculum esset ipsius legatarii; Quinimo etiam hæres investimentum non fecisset, teneretur ad fructus tanquam damna & interesse ob ejus obligationem non adimpletam, & sic casus est omnino diversus, unde dicta auctoritas ad illum presentis controversiæ nullatenus applicabilis videbatur.

Tunc autem, ultra proxime insinuatum casum investimenti per testatorem injuncti, in quo id indefinitè procedit, absque aliqua pia causa specialitate, considerabam Ecclesiæ, vel pia causa favorem in proposito attendendum esse, quando legata quantitas de sui natura, & pro adimplendo opere, per testatorem expresse vel virtualiter desiderato, pernecessæ & illoco investienda erat in occasione fructiferas, neque per Ecclesiæ legatariam in aliis usus erogari poterat, quia nempe ageretur de legato facto cum onere celebrationis Missarum, hinc dotandi pueras, aut aliud opus singulis annis, & temporibus faciendum; Vel quod ex statutis & legibus generalibus vel particularibus, tanquam capitale pernecessæ investendum esset, cum tunc intrante privilegio Ecclesiæ, vel pia causa, de quo latè Rovist. dicta decis. 90. circa moram irregularem, probata dicerentur alia requisita, ob certam & necessariam destinationem pecunia, absque eo, quod urget ratio libertatis ergordi in alias usus, juxta distinctionem, de qua supra in *Affina Censu*, disc. 14. & ex hac ratione pro cursu interius contraria hæredem etiam ex legato quantitatibus, pro veritate respondi in una Florentina hoc eodem tit. pro Collegio Florentiæ contra hæredes Cassandrae de Venturis, & alias pluries.

## NEAPOLITANA

LEGATI,

PRO

JOANNE ANTONIO

CARAFA,

CVI

CLERICIS REGULARIBUS

MINORIBUS SANCTI

JOSEPHI.

*Casus disputatus coram A.C. & resolutus pro Joanne Antonio.*

De eadem materia usurarum, seu fructuum pro legato quantitatibus ad favorem Ecclesiæ, vel pia causa; Et quatenus non debeantur, an de facto & voluntari soluti ipsius Ecclesiæ Administratoribus imputentur in fortem ad effectum illum extenuandi, nec n.

## S U M M A R I U M.

1. *Facti series.*
2. *Quod Bulla Piæ de censibus sit servanda in Regno Neapolitano remissive.*
3. *Licet census sit nullus, adhuc debentur fructus tanquam damna & interesse remissive.*
4. *Ex legato quantitatibus non debentur usura, etiam favore Ecclesiæ, vel pia causa, que in materia usuraria non est privilegiata, & in quo consistat ejus privilegium.*
5. *Declaratur conclusio, & quando dicta usura debentur.*
6. *In legatio dies non interpellat pro homine, & quando heres dicatur consuetu in mora.*
7. *Sine mora non datur interesse.*
8. *Ex quibus mora excusat in herede.*
9. *De fiduciario declarante voluntatem testatoris, juxta dispositionem text. in l. Theopom. pus.*
10. *Usure legatorum, neque debentur ex judicio testatoris, multò minus ex declaratione fiduciarii.*
11. *Fiduciarius declarando voluntatem testatoris, debet jurare.*
12. *Item in fiduciarii declaratione attendi debet verisimilitudo.*
13. *Cessante debito in force, non potest agi de usuri vel interesse.*
14. *In Regno datur interesse fructuum census, securiæ tertiarum, sed non interesse aliorum interest.*
15. *An per fructus indebet solutos administratori Ecclesiæ extinguatur fors.*
16. *Fructus indebet soluti non extenuant fortem, sed adest interesse tertii.*
17. *De causis excusantibus credidorem ab usuri perceptis & consumptis.*

## D I S C . XXX.

**L**Ucretia Carafa de anno 1607. instituto hærade Octavio fratre, illum gravavit ad solvendum ducatos 490. m. erogantios in pias causas, quando & quibus declaratum fuerit per Petrum Religiosum, ejusdem testatrix etiam fratrem, quo illico declarante solvi debere ducatos 2500. quibusdam Ecclesiæ & pīs locis, prompè sequutum fuit; Cumque post annum Officialis fabriæ S. Petri, juxta facultates & stylum utrumque sufficient ad declarandum, & respectivè ad adimplendum in residuo testatricis voluntatem, fiduciarius replicavit, adhuc purificatas non esse conditio[n]es à testatrice præscriptas, & consequenter hæres declaravit, non teneri; unde propterea dicti Officialis ab ulterioribus molestiis abstinerunt. Post annos autem octo, fiduciarius prædictus declaravit ex prefato residuo spectare ad Clericos Regulares Minores S. Josephi ducatos 700. cum onere Misericordia in perpetuum, declarando etiam à die mortis testatricis decursum esse interesse, importans ducatos 375. Unde propterea in vim dictæ declarationis, Curatores Joannis Antonii minoris, præfatii Octavii interim defuncti, filii & hæredes, ex utraque summa forti & interesse insimul confiteantur ducatos 1075. imposuerunt censem aq[ua]rationem septem pro centenario, cuius fructus Joannes Antonius factus major, mulierum annorum spatio persolvit; Admonitus vero deinde de

p. 12.